



Australian Government

AusAID



www.ausaid.gov.au

Intanasonal developmen assistance blong
Ostrelia we i kam long Vanuatu 2008-09

© Commonwealth of Australia (2008). I gat kopiraet long wok ia. Yu mas gat pemisen long raeting long Kommonwelt blong Ostrelia sapos yu wantem riproduisem eni pat blong hem. Eni kwesten long saed ia yu save putum long Commonwealth Copyright Administration, Attorney-General's Department, Robert Garran Offices, National Circuit, Barton ACT 2600 o long intanet long <http://www.ag.gov.au/cca>

ISBN 978-1-921285-56-1

Blong save moa long ol intenasanol developmen assistens blong Ostrelia, go long www.ausaid.gov.au

Blong save moa infomesen long wanem i stap insaed long buk ia, yu save kontaktem

AusAID Port Vila, Winston Churchill Avenue

PO Box 111 Port Vila, Vanuatu

Telefon 678 23341 Fax 678 22292

Clarity Communications Australia, Canberra i editem buk ia

GRI.D, Canberra i mekem disaen long buk ia

Blue Star Print, Canberra i printem buk ia

Fored: Ol yangfala gel long Hatbol Aid Post, Malekula.

Man we i tekem foto: Photo: Rob Maccoll

Contents

| | |
|---|-----------|
| Introduction | 3 |
| Ol aktiviti blong intanasonal developmen assistance | 5 |
| Ekonomik Rifom (jenis long ekonomi) mo gavenens | 5 |
| I gat moa wantem blong gat Gud Gavenens | 7 |
| Loa mo Jastis | 10 |
| Ostrelia-Vanuatu Joint Developmen Koperesen Strateji 2005–2010 | 12 |
| Edukesen mo Trening | 15 |
| Helt | 17 |
| Sapot long ol Prodaktif Sekta | 21 |
| Ol Program blong Pasifik Region we i kam long Vanuatu | 23 |
| Volentia | 24 |
| Paris Declaration long Aid Effectiveness (fasin we mane we ol dona i givem bae i save wok gud mo long stret fasin blong hem) | 24 |



Port Vila Market Haos. Man we i tekem foto: Rob Maccoll

Introdaksen

Mane we Ostrelia i spendem long kantri 2008-09: VT4.7 billion (Bilateral—VT3.4 billion, Regional VT1.3 billion)

Bigfala tingting bihaen long VT4.7 billion intanasonal developmen assistance program blong Ostrelia long Vanuatu i blong sapotem gudfala gavenens (fasin blong mekem ol desisen) mo mekem gud rod blong ol seves blong mekem se ekonomi i gro. Sapot i folem ol rod blong *Australia-Vanuatu Joint Development Cooperation Strategy 2005-2010* mo oli sapotem ol *Priorities and Action Agenda 2006–2015* blong gavman blong Vanuatu.

Insaed long ol agenda blong Gavman i gat:

- > givhan long ol sekta we oli mekem samting olsem agrikalja mo tourism
- > leftemap wok blong ol wokman mo woman long gavman
- > mekem kos blong ol transpot mo ol utilities i go daon
- > mekem gud rod blong gat gudfala helt mo edukesen
- > mekem se inkam mo ekspendija blong gavman i stap gud oltaem.

Ostrelia i stap wok klosap wetem gavman, ol NGO mo praevet sekta blong sapotem developmen long kantri. Insaed long sapot blong hem blong mekem strong ol program blong gavenens, AusAID hem i tingting strong long wok blong ol NGO mo ol grup we oli wok wetem komuniti long wok blong olgeta long gud gavenens.

Genda (fasin we woman, man, boe mo gel i gat semak opportuniti mo raet long evri samting) hem i wan stamba tingting blong evri program blong AusAID long Vanuatu. From se fulap taem ol woman oli no save tekem pat tumas blong mekem desisen mo ol fasin blong mekem mane, Ostrelia i stap wok wetem gavman blong Vanuatu mo ol grup blong ol woman blong sapotem olgeta long ol stamba developmen tingting ia.

Sam bigfala samting we Ostrelia i mekem tru long developmen program blong hem:

- > Strong sapot long ol stret/gudfala fasin blong lukaotem mane we i mekem se fasin blong lukaotem mane i kam moa strong. Long 2007 hem i namba sikis yia we Vanuatu i gat wan budget we i go antap o i stap semak mo i no go daon.
- > Program blong *Governance for Growth* (gavenens blong gro) i givhan long ol toktok blong karemaot monopoly (fasin blong gat wan kampani nomo) long telekomunikesen o telefon mo i mekem se fulap ples long rural oli save kasem telefon.
- > Yumi save luk moa polis mo moa operesen blong olgeta i gohed long Vanuatu, Port Vila mo Luganville. I gat oli niu rikrut oli joenem Fos blong Polis we i bin nogat stat long 1997 i kam. Long olgeta ia 27% blong olgeta oli ol yangfala woman mo hemia hem i wan bigfala samting from se bifo i bin gat 2% nomo long ol Polis oli ol woman.
- > Bitim 200 ni-Vanuatu oli stap stadi ananit long ol skolasip blong AusAID long Ostrelia mo long region.
- > 90% immunisation (stik) blong ol pikinini blong mekem oli no kasem misel mo namba blong pikinini we oli jes bon mo ol mama blong olgeta we oli stap ded, i go daon.

Ekonomik Rifom (jenis long ekonomi) mo gavenens

Intanasonal developmen assistance program blong Ostrelia i stap bild long wan histri blong sapot we i stap blong mekem strong fasin blong lukaotem mane, kontrolem, prosesem (mekem i wok) mo mekem gud fasin blong gavman i karem ol wokman blong hem mo fasin we i stap lukaotem olgeta. Ostrelia naoia i gat ol bigfala tingting blong stretem ol rod blong mekem ol polisi blong Gavman blong Vanuatu mo blong mekem gud rod blong ol seves oli gro mo oli kam gud long ol rurol eria.

Gavenens blong Gro Program

Sapot: VT3 billion

Taem: 2006–2010

Patna: Gavman blong Vanuatu

Sapotem ol rifom (jenis) long ol polis we i tokbaot mo karemaot ol samting we i stap stopem ekonomi blong gro mo ol seves we i stap go long ol rurol eria. Sam rifom andanit long program ia oli long saed blong telekomunikesen, aviesen (plen), fasin blong lukaotem mane blong pablik, elektrisiti mo paoa i go long ol rurol eria mo givhan blong faenem maket blong ol samting we Vanuatu i mekem. Program ia i mekem blong Bureau blong Statistics blong Ostrelia mo Ofis blong Nasonal Statistics blong Vanuatu i save wok tugeta blong mekem gud ol kwaliti blong ol statistics, blong hem i save givhan long ol plan blong Gavman. Sam saksens insaed long ol rifom ia hem i insaed long telekomunikesen mo taem we fes Utilities Regulatory Authority (gavman bodi blong lukaotem ol samting blong paoa mo wota) long Vanuatu i kirap.



Plantation kokonas, Malekula. Man we i tekem foto: Rob Maccoll

Program blong Graon

Sapot: VT108 million

Taem: December 2008

Olgeta we oli karem kontrak: GHD Hassall

Hem i wan program we i folem ol tingting blong Ministri blong Lan, Nasonal Lan Steering Komiti mo ol resolusen (stamba tingting) blong 2006 Nasonal Lan Samit. Kam kasem tede, givhan blong Ostrelia i mekem se i gat wan stadi long fasin blong lukaotem graon tede mo ol loa mo polisi blong graon. Stadi ia i sapotem developmen blong wan long-term (blong longtaem) rifom plan blong mekem gud sastenabol (blong i save stap oltaem) developmen long laef blong ol man/woman mo long ekonomi. I gat sam short-term (blong mekem naoia) rifom we i blong mekem publik awareness, mo fasin blong mekem rifom blong lukaotem graon mo plan blong yusum graon i stap gohed blong bae i kam stamba blong desaen blong ol long-term rifom. Teknikol assistance blong preparem wan lan sekta fremwok i stap gohed. Intanasonal developmen assistance blong Ostrelia bae i wok tu wetem Malvatumauri Kaonsel blong ol Jifs blong givhan wetem ol tingting mo fasin blong lukaotem graon long kastom fasin. Bambae moa sapot bae i kam long 2008-09 tru long Pasifik Lan Program, wan program blong AusAID long eria blong Pasifik.

I gat moa wantem blong gat Gud Gavenens

Intanasonal developmen assistance blong Ostrelia i sapotem gud gavenens tru long ol wok blong hem blong mekem se i gat strong stabiliti (i stap stret) mo mekem yumi save kasem ol impoten seves blong gavman. Wan fasin blong wok i blong mekem strong ol patnasip mo mekem ol NGO oli save joen insaed long gavenens, mo blong mekem se yumi save kasem infomesen tru long wan media (ol radio, niuspepa mo TV) we i wok stret blong i save sapotem gudfala developmen.

Vois Blong Yumi Program

Sapot: VT265 million

Taem: 2007–09

Patna: Australian Broadcasting Corporation (ABC)

Wan pablik we i save wanem ol samting i stap gohed hem i stamba blong gud gavenens. Agrimen we i stap bitwin Radio Australia mo Radio Vanuatu i blong mekem se gavman i save kasem evri rurol eria mo blong mekem strong mo leftemap Vanuatu Broadcasting mo Televisen Corporation (VBTC). Long wan long ol aktiviti blong hem, Ostrelia i stap givhan long VBTC wetem VT62 million blong putum bak seves blong shortwave long 2008.

Vanuatu Kastom Gavenens Patnasip

Sapot: VT225 million

Taem: 2006–2011

Ol Patna: Yunivesiti blong Queensland mo Malvatumauri Nasonal Kaonsel blong ol Jif.

Tingting bihaen long patnasip ia i blong mekem strong mo mekem kam bigwan kontribusen blong kastom mo ol lida blong komuniti blong oli save lukaotem gud jenis mo developmen. Oli lukluk long ol fasin blong stopem kraem (rabis fasin), lukaotem komuniti mo mekem komuniti developmen tru long sam storian mo woksop.

Vanuatu Jioj Patnasip Program

Sapot: VT27 million

Taem: September 2007 to August 2008

Patna: NGO blong ol Jioj blong Ostrelia mo Vanuatu Kristen Kaonsel (VKK)

Ol Jioj nao oli ol fes grup blong mekem ol seves blong edukesen mo helt long Vanuatu bifo long Independens mo oli gohed blong stap olsem wan bigfala samting long laef blong evri ni-Vanuatu tede. Program ia i blong givhan blong oganaesem divelopmen blong ol memba blong VKK blong mekem se oli save givhan mo joen gud mo blong givem tingting blong olgeta long ol polisi blong kantri mo tekem pat blong mekem se ol seves blong gavman oli kasem ol ples we oli sud kasem.

Senta blong ol Woman long Vanuatu

Sapot: VT340 million

Taem: 2007–2012

Patna: Kraeses Senta blong ol Woman long Fiji

Sapot ia i lukluk blong stopem ol vaelens, rabis samting o fasin we ol mama mo ol pikinini oli stap fesem, mo hem i bin putum tingting ia i go long nasonal level olsem wan bigfala problem long saed blong laef blong yumi mo ekonomi. VWC i givem seves blong kaonseling (toktok wetem olgeta we oli gat problem blong stretem) mo sapot. Wan bigfala aktiviti long 2008–09 i blong mekem wan sevei long ol rabis samting we ol woman oli stap fesem evri ples long Vanuatu.

Woman insaed long ol ples blong mekem desisen mo lidasip

Sapot: VT9 million

Taem: 2007– December 2008

Ol Patna: Dipatmen blong ol Afea blong ol Woman, Vanuatu Nasonal Kaonsel blong ol Woman

Ol woman oli mas tekem pat long ol ples blong mekem desisen hem i impoten blong ol risal blong divelopmen oli gud. Ostrelia i stap givhan long Dipatmen blong ol Afea blong ol Woman mo Vanuatu Nasonal Kaonsel blong ol Woman (VNKW) blong mekem se moa woman oli tekem pat mo moa oli kam ol lida. Long 2008 givhan igo blong mekem aweanes long olgeta we oli stap vot mo wan sevei long ol woman we oli joenem politik long 2008. Ostrelia i stap lukluk long ol janis blong wok klosap wetem VNKW blong strongem lidasip blong oli lukluk long ol tingting blong ol Woman.



Ol yut mo pikinini oli plei spot long Wan Smolbag. Man we i tekem foto: Rob Maccoll

Wan Smolbag Patnasip

Sapot: VT260 million

Duration: 2007–2011

Partner: Wan Smolbag

Program ia i lukluk blong givhan long ol yangfala mo mekem ol seves i go long ol komuniti we oli gat had taem, speseli long ol rurol eria mo ol setelmen long taon. Wan Smolbag hem i gat ol seves blong riprodaktif helt (helt blong mama mo pikinini) mo hem i wan lida long media long ol samting long saed blong domestik vaelens, substens abuse (tekem ol samting we yu no sud tekem o tekem tumas long wan samting we bae i save spolem yu), ol rilesensip, riprodaktif helt, gud governans mo vota eduksen.

Loa mo Jastis

Legal Sector Strengthening (mekem strong olgeta ples we oli lukaotem loa) Projek, Pat 3

Sapot: VT865 million

Taem: 2006–2011

Patna: Dipatmen blong Attorney Jenerol blong New South Wales

Program ia i lukluk blong mekem se pablik i save yusum sistem blong jastis mo blong oli trastem sistem ia. Wok i stap gohed naoia blong i gat sam mane blong givem trening mo teknikal assistance long ol ples we i impoten blong oli gat. Wok i stap gohed naoia blong mekem sua se Ofis blong State Loa, Pablik Prosekuta mo Pablik Solisita oli save stap blong long taem. Sapot long program ia i stap kam stat long yia 2000 finis.

Vanuatu Polis Fos Kapasiti Bilding Projek

Sapot: VT2.52 billion

Taem: 2006–2011

Patna: Ostrelia Federal Polis

Assistance blong Ostrelia i wok klosap wetem Vanuatu Polis Fos blong mekem se i gat wan sef mo gudfala envaeromen blong ol komuniti blong Vanuatu. Oli givhan blong stopem mo faenemaot ol kraem (rabis fasin) tru long ol relesen we i stap bitwin ol Polis mo komuniti. Wetem save blong Ostrelia Federal Polis, projek ia i lukluk blong mekem strong wok blong ol Polis blong oli save mekem se komuniti i sef, stopem kraem mo givhan long ol viktim (olgeta we oli safa from kraem) mo tu blong mekem se seves blong Polis i kam antap insaed mo aotsaed long kantri. Program ia i givem sapot long olgeta we oli stap kontrolem mo lukaotem ol boda blong kantri (Kastom, Kwarantini, Imigresen, Fiseri mo Vanuatu Maritaem Otoriti). Wan long ol bigfala samting we projek i mekem hem i ol bigfala jenis insaed long ol Polis Stesen long Port Vila mo Luganville mo Trening Wing blong Mobile Fos. Sapot i bin go blong mekem tu o tri kos blong ol niu rikrut we kos olsem ia i bin nogat stat long 1997. I gat 30 niu Polis long 2006 we 8 blong olgeta oli ol woman.



Konstabol Jack Kanas mo Konstabol Noelline Saksak i patrol long Vila. Man we i tekem foto: Rob Maccoll

Ostrelia-Vanuatu Joint Developmen Koperesen Strateji 2005–2010

Tingting blong wok from: Long-term stabiliti we i kam taem we developmen i gro, i gro long fulap sekta mo i mekem

Bigfala Lukluk

1. Mekem strong stabiliti mo fasin blong wok blong ol stamba institution blong gat gud gavenens

2. Mekem gud seves blong i had

Wanem we bae i kamaot

1.1 Mekem gud fasin blong lukaotem mane mo accountability tru long ol rifom long pablik sekta

1.2 Ol ofis blong loa oli wok gud/ mekem gud seves blong polis

1.3 Mekem strong moa ol koneksen bitwin ol sistem blong sentrol mo provins

2.1 Tagetem moa ol impoten grup we oli stap givem ol seves long ol rurul komuniti mo ol setelmen long taon

Aktiviti mo ol Program

Pablik Sekta Rifom Projek (1999–2006)
MFEM Institutional Strengthening Project (1999–2006)
Gavenens blong Gro (2006–2017)

Vanuatu PolisFo Capacity Building Projek (2006–stap go yet)
Legal Sekta Strengthening Projek (2000–2011)
Jastis blong olgeta we oli pua (2008–2012)

Grant o mane blong Rural Ekonomik Developmen Initiative (REDI) (2005–)
Gavenens blong Gro (2006–2017)

Vilej Helt Woka Program (2008– 2011)
Wokfos Capacity—Spesel dokta long ol difren eria (stap go yet)
Speselis long Helt long MoH (2006–08)
Pasifik Malaria Inisiativ (2007–2011)
HIV, Sexual mo Reproductive Helt
Ostrelia PasifikTeknikol College TVET Projek (2005–)
Sekondri Skul Extension Projek (2005–2007)
Sapot Program blong Edukesen Sekta
VESAP (2008–09)

Ol Skolasip blong Ostrelia: Ostrelia Developmen Skolasip, Regional Developmen Skolasip, Ostrelia Lidasip

kasem ol pipol we oli stap long taem

3. Leftemap samting we ol ni-Vanuatu oli save mekem o produsum, speseli ol woman mo yangfala

2.2 Ol NGO, Kaonsel blong ol Jif, Kaonsel blong ol Jioj, ol woman mo ol narafala grup long komuniti mo gavman oli wok strong tugeta blong givem seves i go long ol rurol komuniti mo ol setelmen long taon

3.1 Leftemap fasin blong mekem samting long ol rurol eria (long ol ples blong mekem akrikalja mo ol nara samting) blong ol mama mo ol yangfala oli save mekem mane

3.2 Mekem strong sekta blong turisim blong i gat moa wok, speseli blong ol yangfala

3.3 Mekem wan strong envaeronmen blong praevet sekta i save develop

Kastom Gavenens Patnasip(2006–)
 Vanuatu Woman Senta (2002–2007)
 Wan Smolbag Patnasip (2005–2010)
 Patnasip wetem ol Jioj long Vanuatu (2008–)
 Stamba mane blong VANGO
 Vois Blong Yumi-Vanuatu Broadcasting moTV Koperesen patnasip wetem Radio Ostrelia (2007–2009)
 Genda Program—Woman insaed long Lidasip

Mane blong REDI 2005-2006)
 Gavenens blong Gro Program (2006–2010)
 Maneja blong lukaotem maket long Vanuatu Turisim Ofis (2005-2006)
 Infrastructure blong Gro Initiative (2008–)
 Program blong Lan (2006–2008)
 Performance Incentive Initiative (plan blong leftemap wok)—Rifom long Telekomunikesen (2008-2009)
 Sapot blong Nasonal Ofis blong Statistik – patnasip wetem Ostrelia Bureau blong Statistiks mo mane blong mekem Sevei long Fasin we Wanwan Haos oli Mekem mo Yusum Mane 2007, Akrikalja Senses 2006, Nasonal Akaon 2006, 2007
 Genda Program—Givem Paoa long Woman insaed long Ekonomi



Ostrelia Pasifik Teknikol Kolej, Skul blong Hospitaliti mo Tourism. Ol stiuden blong ol lokol restaurant oli lanem hao blong mekem ol kakae. Man we i tekem foto: Rob Maccoll

Edukesen mo Trening

Ministri blong Edukesen blong Vanuatu i stap mekem wan bigfala rifom long sistem blong edukesen blong Vanuatu. Long 2006 Gavman blong Vanuatu hem i pasem wan plan blong developem wan edukesen sistem we bae i lukluk long fulap sekta. Ministri blong Edukesen i mekem wan Vanuatu Edukesen Sekta Strateji (plan) 2007–2016 we i gat insaed long hem ol stamba tingting blong Vanuatu i folem. Program blong Ostrelia long Edukesen i sapotem ol plan ia.

Vanuatu Edukesen Sapot Annual Plan (VESAP)

Sapot: VT296 million wetem VT43 million blong teknikal assistens

Taem: 2008-2009

Narafala sponsa: NZAID

Sapot blong VESAP, we AusAID mo NZAID i givem mane from, hem i fes step i go blong developem wan Sector-Wide Approach (kavremap long fulap sekta long semtaem) blong edukesen sekta blong Vanuatu. VESAP i stap lukluk long ol fo (4) stamba eria; (1) sapot blong moa man, woman mo pikinini oli save kasem edukesen; (2) mekem kwaliti blong edukesen i go antap; (3) Givhan long Ministri blong Edukesen blong oli save lukaot gud long edukesen; mo (4) blong givhan long wan developmen blong wan Nasonal Human Risos Developmen Plan. Dipatmen blong Edukesen nao i stap lidim. AusAID mo NZAID tugeta i stap givhan antap long hemia wetem sam teknikal assistens we Ministry blong Edukesen i askem blong givhan long tekem Vanuatu Edukesen Sekta Strateji i gohed.

Teknikol mo Vokesenol Edukesen mo Trening (TVET) Program

Sapot: VT1.3 billion

Taem: 2005–2012

Olgeta we oli karem kontrak: GRM Intanasonal

Program blong TVET i blong mekem se ol trening we oli save karem i save mekem se bae i gat moa wok mo moa man mo woman oli save wok blong mane, mo long narafala saed blong hem, bae i save mekem laef blong man long watu i go antap. Pat 1 (2005–07) hem i lukluk long wanem oli save putum go insaed long ol trening (olsem ol samting blong stadi blong ol studen) mo Pat 2 (2008–12) i lukluk long ol samting we oli save mekem. Long 2008-09 bambae projek i gat 2 senta blong TVET long ol provins blong givem sam seves blong bisnis mo kaonseling (toktok long man/woman taem hem i gat problem).

Program blong Skolasip mo Trening

Sapot: VT180 million (approximately)

Taem: I stap gohed

Olgeta we oli karem kontrak: Ol institution (bigfala skul) long Vanuatu, Pasifik mo Osterlia

Osterlia i givem skolasip blong stadi long Osterlia, long Pasifik mo long Vanuatu. AusAID i wok klosap wetem Gavman blong Vanuatu blong mekem sua se ol skolasip i go long ol eria we gavman i luk se i impoten blong i go long olgeta, olsem blong gat ol wokman mo wokwoman blong helt mo eduksen, capacity building long ol wokman mo woman blong gavman, mo teknikol mo vokesenol eduksen.



Ol stiuden long wan klasrum long Rensarie Sekondari Skul, Malekula. Man we i tekem foto: Rob Maccoll

Helt

Ol aktiviti blong intanasonal developmen assistance oli sapotem ol impoten tingting blong Masta Helt Seves Plan blong Gavman blong Vanuatu 2004–2009, we hem i gat insaed long hem ol tingting blong:

- > Mekem gud helt blong ol pipol blong Vanuatu
- > Mekem se ol pipol oli save kasem ol seves
- > Mekem se ol pipol oli save gat gudfala kwaliti seves
- > Mekem gudfala yus long ol risos

Ostrelia i sapotem ol helt sistem long Vanuatu tru long strongem ol sevis deliveri mo givhan long ol publik helt isiu olsem HIV, Sexually Transmitted Infections (STI) and Malaria. Ostrelia i givem tu wan Advaesa blong mekem plan long ol Helt Sekta blong hem i sapotem Executive blong Ministri blong Helt blong oli muf go long wan Sekta Approach mo blong planem mo mekem wok we i stap long Masta Helt Seves Plan.

Long 2008 kasem 2012, Ostrelia bae i givem VT35million long Ministri blong Helt blong mekem skrining mo tritmen long 75% long ol woman we oli 30-50yia blong lukluk sapos i gat kansa long nek blong basket blong pikinini. Sem taem tu bae i gat trening long ol nes long hao blong mekem skrining long wan isi wei. Tu, long 2008–2012 bae i gat wan patnasip wetem Volunteer Services Overseas (VSO) blong VT120million blong bildem kapasiti blong Ministri blong Helt mo ol NGO blong wok blong daonem HIV mo ol STI long Vanuatu. Antap long hemia, VT63million bae i go long Wan Smolbag blong mekem *Love Patrol Series II*, wan drama long TV we i gat sam stori blong HIV mo ol STI.



Nes Lussa Appie mo Dora Kalvau (8) long Hatbol Aid Post, Malekula. Man we i tekem foto: Rob Maccoll

Program blong ol Vilej Helt Woka

Sapot: VT171 million

Taem: 2008–2011

Olgeta we oli karem kontrak: Save the Children Ostrelia

Ostrelia hem i bin stap sapotem gudfala helt long ol rurol eria tru long Program blong ol Vilej Helt Woka stat long 1997 i kam. Ol Vilej Helt Woka oli stap long komuniti we oli gat sam save blong givemaot ol helt seves mo oli wok long ol ples we oli longwe long ol klinik o hospital. Olsem pat blong program blong sekta approach, program ia naoia i stap long han blong Ministri blong Helt mo i stap gohed blong tijim ol niufala save mo skil blong olgeta tru long ol trening mo taem oli stap jekap long olgeta.

Helt Wokfos Kapasiti

Sapot: VT410 million

Taem: 2006–2011

Olgeta we oli karem kontrak: tru long Pasifik Teknikol Assistance Mechanism (PACTAM)

Sapot long ol speselis (pipol we i gat save gud long wan kaen samting) blong mekem se i gat ol spesel dokta blong ol difren eria we bae fulap oli stap long Sentrol Hospitol long Vila mo naoia oli gat wan Senior Surgeon (hem i mekem ol operesen), Anaesthetist (hem i stikim man bifo operesen), Physician, Obstetrician/Gynaecologist (dokta blong ol mama) mo Principal Pharmacist (hem i mekem mo givemaot meresin). AusAID i stap givem mane blong program ia bitim 10 yia nao mo i stap wok wetem Ministri blong Helt blong mekem ol man ples oli save karem ol spesel posisen ia.

Pasifik Malaria Inisiativ (Vanuatu)

Sapot: VT540 million

Taem: 2007–2011

Patna: Vanuatu Ministri blong Helt

Pasifik Malaria Inisiativ (PMI) i sapotem ol semak kaen program we patna blong hem long gavman Gavman Pasifik Nasonal Malaria Kontrol Program (o ol program blong kontrolem malaria) i mekem. Sapot ia i lukluk blong stopem sik bifo i stat, manejem sik, mekem strong sistem blong helt mo go fored long ol aktiviti blong mekem malaria i finis. Solomon Aelans tu hem i pat long plan ia mo i gat narafala mane blong olgeta.

Mo tu, mane i stap go long Pasifik Malaria Inisiativ Sapot Senta (Senta blong Sapotem ol Plan blong Malaria long Pasifik) blong mekem ol program we oli fleksibol (hem i save folem ol nid we i stap), gat bigfala fokus, folem demand (o wanem we ol manples oli wantem), stret long lokol komuniti mo mane blong hem i stret. Hem i stap givhan tu blong manejmen (fasin blong lukaotem gud samting), trening mo teknikol assistens long ol gavman we oli patna long grup ia blong ol kantri ia oli save kasem ol goal (tingting we oli wantem i tekem ples) blong olgeta we i stap long ol Program blong Kontrolem Malaria long Nesen.



Ol wokman oli stakem bag copra long wan weahaos long Lakatoro, Malekula. Man we i tekem foto: Rob Maccoll

Sapot long ol Prodaktif Sekta

Sapot: VT252 million

Taem: 2005–2009

Ostreliia i stap wok wetem Gavman blong Vanuatu mo ol narafala dona (ples o grup we oli stap givem mane) blong inkarejem ol stamba sekta we oli produsum samting, olsem akrikalja mo turisim, blong gro. Bae i gat moa givhan blong divelopem ol eria blong maket long Vanuatu we yumi save gro moa long olgeta. Intanasonal divelopmen assistance blong Ostrelia bae i givhan blong mekem wan envaeronmen we i save wok blong ol praevet sekta tru long ol rifom. Wok i stap gohed naoia blong mekem ol disaen o plan blong Program ia blong mekem se program ia i save stap longtaem moa mo blong mekem se oli wok tugeta wetem ol narafala dona.

Insaed long givhan blong projek ia i gat mane we i go long Vanuatu Nasonal Statistiks Ofis (VNSO) blong Senses blong Akrikalja mo Sevei long Fasin we Wanwan Haos oli Mekem mo Yusum Mane (Household Income and Expenditure Survey), long Vanuatu Kwarantn Inspeksen Seves (VKIS) blong oli save karemaot sik ia we i stap stopem ol buluk blong karem pikinini. Givhan long mane tu i go long VNSO long wan agrimen wetem Ostrelia Bureau blong Statistiks blong oli save givhan long divelopmen mo blong bildimap save blong VNSO.



Wan woman i soemap klos long handikraf maket long Vila. Man we i tekem foto: Rob Maccoll

Woman Ekonomik Empowerment (givem paoa long ol woman insaed long Ekonomi)

Sapot: VT9 million

Taem: 2007-2008

Olgeta Patna: VANWODS, Vanuatu Kaljoral Senta (Program blong Kalja blong ol Woman)

Blong ekonomi blong kantri i gro, hem i impoten blong givem paoa long ol woman blong oli tekem pat long ekonomi. Ostrelia hem i stap givhan blong sapotem stadi blong ol grup we ol man mo woman oli save karem smol mane long olgeta (mekem loan) mo hao nao ol grup ia oli stap givhan blong mekem laef blong ol woman long Vanuatu i kam gud mo i wok klosap wetem ol mama long ol rurol eria blong developem ol handikraf blong oli gat ol narafala fasin blong karem mane. Sapot blong trenem ol pipol long saed blong mekem bisnis bae i wan long ol bigfala aktiviti long 2008-09.

Ol Program blong Pasifik Region we i kam long Vanuatu



Sgt Ephraim Kalorip i stap tij long Vanuatu Polis Kolej. Man we i tekem foto: Rob Maccoll

Ostrelia i stap givem mane tu long Vanuatu tru long sam program blong region blong Pasifik we i gat Ostrelia-Pasifik Teknikol College (APTC), program blong region olsem HIV/AIDS Sexual mo Reproductive Helt program, Non-Communicable Diseases (ol sik we yu no save kasem long ol narafala man/woman), visit blong ol spesel dokta blong sik, Pasifik Regional Policing Initiative (PRPI), Program blong Sapotem Gavenens long Pasifik, Pasifik Judicial Seves Program (saed blong loa), Pasifik Lidasip Program, Pasifik Lan Program mo Pasifik Media Assistance Scheme (PACMAS). Sapot long Vanuatu long ol program ia i kam tru long ol trening mo tru long bildimap mo givem moa save long ol wokman.

Volentia

Ostreliia i gat wan longfala histri blong tekem ol volentia i kam long Vanuatu olsem pat blong intanasonal developmen assistance program blong hem. Tru long Ostrelian Yut Ambasadada blong Developmen, Ostrelian Volentia Intanasonal, Ostrelian Bisnis Volentia mo Volentia blong Intanasonal Developmen Ostreliia, oli givem teknikal assistance long Gavman blong Vanuatu, ol non-gavman oganaesesen (NGO) mo praevet sekta long ol eria we Gavman blong Vanuatu i talem se ol impoten long developmen. Ol eria ia i gat helt, edukesen, legal (loa) mo prodaktif (mekem/produsum samting) sekta, envaeromen, media, yut mo spot. Oli save go long eni ples long Vanuatu. Long 2008-2009 bae i gat 47 volentia blong Ostreliia long Vanuatu.

Paris Declaration long Aid Effectiveness (fasin we mane we ol dona i givem bae i save wok gud mo long stret fasin blong hem)

AusAID hem i stanap long stampa tingting blong Paris Declaration. Ostreliia hem i wantem putum insaed long evri developmen program blong hem ol stampa tingting blong:

- > patna onasip (ol patna long developmen oli luk developmen se i blong olgeta)
- > dona/patna program alignment (ol program blong dona i folem program blong ol patna mo wok tugeta)
- > dona harmonisation (ol program blong dona i wok tugeta)
- > kaen managemen we i gat ol gudfala risal o samting we oli kamaot long hem mo blong evriwan (dona mo gavman) oli risponsibol long developmen.

